

իշխողի Լաւոդ ոկեսայ, զի մի իշխեսցեն բնակեցուցանել անդ զգորս և գործել զայնպիսի ոճիրս :

Վէճ Դաւթի և Դանիէլի, որպէս գրէ Նփրեմ Նպիսկոպոս յաշխարհէն Ռուսաց :

Ծովապետն Օսմանեան նստէր մերձ յԱքքէ՝ և խնդրէր զինչս ձէզարին . Իսմայիլ Փաշայ ոչ առնոյր յանձն յանձնել զայնս, ապա եղին պայման 'ի միջի, եթէ թագաւորն տացէ զիշխանութիւն ձէզարին ինքեան, ինքն եւս խոստանայ տալ զինչս նորին, և զայս գրեցին 'ի Դուռն եւ սպասէին առնուլ զպատասխանն :

Լուր գալստեան Ապու Մէրադ Մէհմէմէտ Փաշայի 'ի կողմանս Պաղեստինոյ՝ դըրդեալ սասանեցոյց զերկիրն, մանաւանդ զվանական Երուսաղէմի : Ապա յաւուր միում յանկարծ եմուտ 'ի քաղաքն Յովպէ ('ի 18 Նոյեմբերի) : Եւ զկնի խնդակցութեան և ուրախութեան ընդ բնակիչս և ընդ տեսուչս վանօրէից՝ խնդրեաց 'ի Ղազար վարդապետէ տալ փոխանակագիր 200 քսակի, զի փոխանորդն վճարեացէ 'ի Կոստանդինուպօլիս, և ինքն յետոյ հատուցէ անդ 'ի Յովպէ : Այս գիր կարի յոյժ տրտմեցոյց զԹէոդորոս Պատրիարք և գրեաց 'ի Կոստանդինուպօլիս գտանել հնարս ազատութեան, զի յառաջագոյն զփորձ առեալ էր բռնութեան նորին : Եւ եղեւ յետ աւուրց ինչ կոչեաց առ ինքն զՂազար վարդապետ, և էառ 'ի նմանէ փոխանակագիր 100 քսակի, որ եղեւ 300 քսակ, և 150 քսակ պատրաստի դրամ էառ, թող զայլ զծանրագին ընծայս և զսարգեւս 'ի Պատրիարքէն . նոյնչափ եւս 'ի Յունաց : Եւ ապա վերստին կոչեալ առ ինքն սպառնալեօք պատուիրէ գրել առ Պատրիարքն՝ զի փութով վճարեացեն զդրամն 'ի Կոստանդինուպօլիս և մի դարձուցեն յետս, ապա թէ ոչ 'ի սուր մաշեցից ասէ զձեզ, զվանօրայս և զժառանգութիւնս ձեր յաւեր և յապականութիւն դարձուցից . զի ինքն եղեալ էր 'ի մտի առնուլ զկուսակալութիւնն Դամասկոսի և տիրել բովանդակ Պաղեստինոյ, և եթէ ոչ հաճեսցի ընդ այն Արքայ՝ ապստամբիլ 'ի նմանէ : Սմին իրի խորամանկութեամբ իւրով Զանայր որսալ զմիտս մեծամեծացն Երուսաղէմի, բայց նոքա զիտելով զառաջին դործս և զընաւորութիւնս նորին, ոչ տային տեղի բանից նորա :